



საია აკვირდება რუსული კანონის პროტესტის მონაწილეების წინააღმდეგ წარმოებულ სისხლის სამართლის საქმეებს

საია აკვირდება რუსული კანონის
პროტესტის მონაწილეების წინააღმდეგ
წარმოებულ სისხლის სამართლის

საქმეებს

საია მონიტორინგს უწევს რუსული კანონის საწინააღმდეგო აქციების კონტექსტში დაკავებულ პირთა სისხლის სამართლის საქმეებს. საჯარო წყაროებზე დაყრდნობით,[\[1\]](#) ორგანიზაციამ 9 პირის[\[2\]](#) მიმართ წარმოებული სისხლის სამართლის საქმის[\[3\]](#) იდენტიფიცირება მოახდინა. ყველა მათგანი თბილისის საქალაქო სასამართლოში განიხილება/განიხილებოდა და თითოეული პირის მიმართ **სასამართლომ ყველაზე მკაცრი აღკვეთის ღონისძიების სახე - პატიმრობა გამოიყენა**, რომელიც არც გადასინჯვის შედეგად შეცვალა.

ამასთან დაკავშირებით, აღსანიშნავია, რომ, საიას მიერ სასამართლო პროცესების მონიტორინგი წლებია ავლენს, რომ **ხშირ შემთხვევაში აღკვეთის ღონისძიების სახით შეფარდებული პატიმრობის ძალაში დატოვების მიზანშეწონილობის განხილვა ფორმალურ ხასიათს ატარებს**. რჩება განცდა, რომ მოსამართლეები, ძირითადად, მახლონურად აფასებენ სისხლის სამართლის საპროცესო კოდექსით განსაზღვრულ მიზნებსა და საფუძვლებს, მიუხედავად იმისა, რომ პატიმრობის საფუძვლები შესაძლოა თანდათან განეიტრალებდეს და მისი გამოყენების აუცილებლობა გარკვეული დროის გასვლის შემდეგ აღარ არსებობდეს.[\[4\]](#)

საიას მიერ წლების განმავლობაში სხდომებზე დაკვირვებით ჩანს, რომ ბრალდების მხარე აღკვეთის ღონისძიების სახით შეფარდებული პატიმრობის უფრო მსუბუქი აღკვეთის ღონისძიების სახით შეცვლას მაშინაც კი არ ითხოვს, როდესაც ამონურულია ის საფრთხეები, რის გამოც ბრალდებულს შეეფარდა პატიმრობა. ასეთ შემთხვევებში ბრალდების მხარე, როგორც სახელმწიფოს წარმომადგენელი, ორიენტირებული უნდა იყოს პატიმრობაში არ დარჩენენ ისეთი პირები, რომელთა მიმართაც პატიმრობის საფუძვლები აღარ არსებობს.[\[5\]](#) ადამიანის უფლებათა ევროპული სასამართლოს თანახმად, *რუსეთის დაკავება იმდენად მკაცრი ღონისძიებაა, რომ მისი გამართლება შესაძლებელია მხოლოდ ისეთ შემთხვევაში, როდესაც სხვა, ნაკლებად მკაცრი ღონისძიება მიიჩნევა არასაკმარისად ინდივიდუალური ან საზოგადოებრივი ინტერესების დასაცავად* [\[6\]](#) ამდენად, პატიმრობა არ უნდა იყოს საწყისი წერტილი აღკვეთის ღონისძიების შესახებ გადაწყვეტილების მიღებისას, არამედ უნდა განიხილებოდეს მხოლოდ მას შემდეგ, რაც ყველა სხვა ღონისძიება, ერთი და მეტი დასაშვები საფუძვლის მისაღწევად, ჩაითვლება მიზანშეწონილად.[\[7\]](#)

მნიშვნელოვანია, რომ ბრალდებისა და სასამართლო ორგანოებმა შეფარდებული პატიმრობის გადასინჯვისას საფუძვლიანად იმსჯელონ პატიმრობის უცვლელად დატოვების

საქართველოს ახალგაზრდა იურისტთა ასოციაცია

GEORGIAN YOUNG LAWYERS' ASSOCIATION



მიზანშეწონილობაზე, მხედველობაში მიიღონ ახალი გარემოება/გარემოებები და გარდაუვალი აუცილებლობის გარეშე არ დატოვონ ბრალდებულები პატიმრობაში.

აღსანიშნავია, პროცესების დაგვიანებით დანყებაც. რუსული კანონის წინააღმდეგ მიმართულ საპროტესტო აქციებზე დაკავებულ პირთა საქმეების პროცესების ნაწილი 20 წუთი და მეტი დროით დაგვიანდა [8], ერთ შემთხვევაში 50 წუთითაც [9]. სხდომათა დაგვიანების მიზეზი სხვადასხვაგვარია: მოსამართლის მიერ სხვა პროცესის განხილვა, მხარეთა დაგვიანება და სხვა. **ხაზგასასმელია, რომ საქართველოში სასამართლო სხდომების დაგვიანებით დანყება ხშირი მოვლენაა. საიას სასამართლო საქმეების მონიტორინგი ავლენს, რომ თითქმის ყოველი მესამე სხდომა დაგვიანებით იწყება.** [10] სასამართლო მათ შორის ვერც გახმაურებულ სისხლის სამართლის საქმეებზე უზრუნველყოფს სხდომების დროულად დანყებას.

საგულისხმოა, რომ ზემოთხსენებული საქმეებიდან ორი პირის საქმის განხილვა უკვე დასრულდა [11], ბრალდებულებმა უდავოდ მიიჩნიეს მტკიცებულებები და სასამართლომ მათ მიმართ გამამტყუნებელი განაჩენი დაადგინა - ერთ მათგანს ჯარიმა, ხოლო მეორეს პირობითი მსჯავრი განესაზღვრათ. დანარჩენი საქმეები კი, არსებითი განხილვის ეტაპზეა და უმრავლეს მათგანზე უკვე მტკიცებულებების გამოკვლევა მიმდინარეობს.

იმის ფონზე, რომ რუსული კანონის პროტესტის მონაწილეების მიმართ საქმეები აქტიურია, საგანგაშოა, რომ ამ დრომდე არ მომხდარა რუსული კანონის პროტესტის დროს სამართალდამცველთა მხრიდან სავარაუდო უფლებამოსილების გადამეტების ფაქტების სათანადო გამოძიება და პასუხისმგებელი პირების გამოვლენა.

საია აგრძელებს რუსული კანონის საწინააღმდეგო პროტესტის მონაწილეთა სისხლის სამართლის საქმეებზე დაკვირვებას და მოახდენს საზოგადოების ინფორმირებას სხდომებზე გამოვლენილი ტენდენციების შესახებ.

[11] [რადიოთავისუფლება](https://www.radiotavisupleba.ge/a/32939235.html), 09.05.2024, ხელმისაწვდომია: <https://www.radiotavisupleba.ge/a/32939235.html>; [განახლებულია: 11.09.2024].

შეიძლება მკაცრი სასჯელი - როგორ ავიწროებდა ხელისუფლება პროტესტის სივრცეს [Newsge.com](https://newsge.com/%e1%83%a0%e1%83%90%e1%83%aa-%e1%83%a8%e1%83%94%e1%83%98%e1%83%ab%e1%83%9a%e1%83%94%e1%83%91%), 13.08.2024, ხელმისაწვდომია: <https://newsge.com/%e1%83%a0%e1%83%90%e1%83%aa-%e1%83%a8%e1%83%94%e1%83%98%e1%83%ab%e1%83%9a%e1%83%94%e1%83%91%>

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



[%e1%83%a1%e1%83%90%e1%83%a1%e1%83%af/](#). [განახლებულია: 11.09.2024].

[2] გიორგი ოკმელაშვილი, ფრიდონ ბუბუტეიშვილი, საბა მეფარიშვილი, ომარ ოკრიბელაშვილი, გიორგი შანიძე, გიორგი კუჭუაშვილი, დავით კოლდარი, ანდრეი რაუტბერგი, ვაჟა დურგლიშვილი (უკანასკნელი ორი პირის საქმის განხილვა დასრულებულია).

[3] ძირითად შემთხვევაში მათ ბრალი სსკ-ის 187-ე ან/და 353 პრიმა მუხლით აქვთ წარდგენილი, გიორგი ოკმელაშვილისა და გიორგი შანიძის შემთხვევაში დამატებით ნარკოტიკული დანაშაულის მუხლებითაც (სსკ-ის 260-ე და 265-ე მუხლებით).

[4] საია, სისხლის სამართლის პროცესების მონიტორინგის N16 ანგარიში, 2022 წელი, გვ. 36, ხელმისაწვდომია:

<https://gyla.ge/files/%E1%83%9D%E1%83%A5%E1%83%A2%E1%83%9D%E1%83%9B%E1%83%9C%E1%83%9D%E1%83%9B%E1%83%91%E1%83%94%E1%83%A0%E1%83%98>

[განახლებულია: 11.09.2024].

[5] საია, სისხლის სამართლის პროცესების მონიტორინგის ანგარიში N15, 2021 წელი, გვ. 77, ხელმისაწვდომია: <https://gyla.ge/files/2020/GetFileAttachment-10.pdf>.

[განახლებულია: 11.09.2024].

[6] ECtHR, *ამბრუსკიევიჩი პოლონეთის წინააღმდეგ (AMBRUSZKIEWICZ v. Poland)*, 38797/03, 04/05/2006, გადაწყვეტილება, პარ. 31.

[7] HRC-ის კომენტარი 35, პარ. 38; CCPR, სმანტსერი ბელარუსის წინააღმდეგ, პარ. 10.3.

[8] გიორგი კუჭუაშვილისა და დავით კოლდარის ბრალდების საქმეზე 05 სექტემბრის სასამართლო სხდომა, გიორგი ოკმელაშვილის ბრალდების საქმეზე 02 სექტემბრის სასამართლო სხდომა,

[9] გიორგი შანიძის ბრალდების საქმეზე 09 სექტემბრის სასამართლო სხდომა.

[10] საია, სისხლის სამართლის მონიტორინგის N17 ანგარიში, 2024 წელი, გვ. 54, ხელმისაწვდომია:

<https://gyla.ge/files/%E1%83%A1%E1%83%90%E1%83%A1%E1%83%90%E1%83%9B%E1%83%9C%E1%83%9D%E1%83%9B%E1%83%91%E1%83%94%E1%83%A0%E1%83%98>

[განახლებულია: 11.09.2024].

[11] ვაჟა დურგლიშვილსა და ანდრეი რაუტბერგის საქმეები.